

LA CUNNEIDE.



Ahi! chi vò de duppie nu sgalasciu,
Terrena ecu difise, e vestiame,
E gioje, e perne. ed uoru, argientu, e rame
A butta fasciu.

Io quannu aju nu granu a stu cusciale
Pare ca puortu supra nu perù,
Criditimilu, nu ne vuogliu cchiù
De-puntuale

De castuoru, amuer, e scarlatinu
Sinne viestinu pruopriu li Vuccieri,
E li crapari fazzinu quartieri
Sutta nu pinu.

A mie nu giaccu de lana crapina
M' è na gra clame, nu paludamientu,
E me pare nu granne adurnamientu
Jire npurcina.

Ciancunijinu tutti a voglia luoru
Bobbe ammassate corr latte d' agielli ;
Sciuscinu scirubetta, e muscatielli
A ciarre d'uoru.

Io fazzu nozze a n'agliu, a nu cardune ;
M'è granne lisciuttia na vallanata ;
Me mparavisa n'abbuttu d'acquata
A nu jascune.

Vajinu tutti a Ruma a rumpicuollu,
Viersu sti cappellazzi culurati
Currulijinu tutte ste Citati
Cuomu nu ruollu.

Io mi la eugliuniju ad Apriglianu,
Cuntannu nu pallune, e na mensogna,
E cantu cuomu fà la Zagarogna
A Carpanzanu.

Tutti li sfirzi-sfarzi de stu munnu
Le tiegnu ngaravuottulu de culu,
Ca sta povera vita vurria sulu
N'ugna de cunnu.

Dé chissu sicca mò ne signu agliuttu,
Nn' aju na gula, na raggia de l'ira,
Chi si nn' avissi de matina, e sira,
Un mi nne abbuttu.

A mie fa fare due parmi de mazza
La Calvanista, ccu la Luterana,
L'Ebrea, la Mora, ccu la Maumettana
Ed ogni razza.

Neipullu forte, e fortemente arrittu
Ceu chi l'ha svanu, e ccu chi l'ha pilusu,
Ceu chi l'ha nzaccanatu lu pertusu,
O largu, o strittu.

De primavera, autunnu, viernu, e state,
Matina, e sira, de jurnu, e de notte
Spanticu ppe chiavare quattru botte
Due strippunate.

Chiaverria, me cunfiessu, ppe ste vie,
Ppe sti margi, sti chiani, e sti valluni,
Ppe ste spinara, e ppe sti cafaruni,
Farria pazzie.

Ad archibusciu, a scillica curnocchia,
Ed a vintugne, ed a spitu cunnutu,
A strasciniellu signu cannarutu
Jire a la forchia.

Ogni cunnu, ogni tiempu, situ e luocu
M'è zucaru, cubeta, mele, e manna;
N'aju na gula, arrassusia, na canna
Chi jiettu fuocu.

Alefantu ne vaju, e sbaragliatu
Giustu cuomu a Frevaru và lu Gattu
Ccu chista, e chilla me mbruogliu me mbattu
Ppè disperatu.

Mmiestu a l' umbra, a lu scuru, e nu me spagnu,
Lu dicu a tutti, nè mi nne vriguognu,
Aju la faccie cuomu nu vitruognu
Oca me ncagnu!

Mi cce vinnera la casa ccu l' uortu,
Nne jera ngninucchiuni sinu a Spagna ;
Spanticu quannu viju na papagna
O nu rituortu.

Me trascina, e me tira cchiù nu piñu
De cunnu, ca nu sciartu de galera;
Lu farria mille vote a na sumera,
Criditimiru.

Sulu nun futte chine un pò le logne;
La fissa sula minte 'nallegría;
E caccia fore la malincunia
D'intra le ntrogne.

Io benedicu sempre notte, e jurnu
Chine primu de tutti lu ngualau,
E chi primu de tutti lu pruvau
Stu biellu furnu.

Chiné mantene la gente, e le Regna ?
Chine fà tanti Papi e Cardinali ?
Tanti Rrè, Mperaturi, e Uffiziali ?
 Chiuca la fregna !

Chine scarroccia tanti littarati,
E tanti Cunsiglieri, e Curtigiani ?
Tanti smargiassi, e tanti Capitani
 E buon suldati ?

Veramente è la sponza dünne vene
Ed ogni gaudiu, ed ogni cuntentizza,
Dunne surje, e dunne esce ogni dulcizza
 Ed ogni bene.

Si nun fuossi pped' illa chi ne nnorca,
L'uomu saria Diavulu ncarnatu ;
Saria na Tigre, n' Ursu scatinatu,
 Pieju de n' Orca :

A tiempu anticu l'uomini primarj
Eranu, arrassusia, tutti servaci,
Autru ca mò la gente de Pedaci
 Micidiarj !

Nun cc' era legge, ritu, curte, o Cona,
Jianu le cose prubiche, e private,
E l'autre cose tutte sbaragliate
 A la Carrona.

Simune nun sapia juocu nnè risu,
Era truoppu fetusu, e truoppu disculu
Nu cane sbattiatu nu feruschiulu
Facci de mpisu.

Si fice galantomu mentre slava
Ppe spiare lu stiechju a na quatrara,
Chi abazata a na vota de jumara
Si lu lavava.

Veramente la fissa è nu trisuòru !
Giove ppe la liccare ad Europella
Le celesti satau cuomu na mella
Se fice Tuoru !

E n' altra vota se fice nu Piulu,
E ne jiu tantu tiempu maulu-maulu,
Fice cuomu lu Gattu de Fra Paulu
Miulu miulu.

E Marte chillu Dio tantu gappune
Chi se ncricca, e se scricca lu mustazzu,
Ppe se sciacquare na vota lu cazzu
Ne jiu prisune.

Pperchì ca foze vistu de na serchia
Quannu facia ccu Venere la pice :
Ncappau a la ragna cuomu Turdulice
Cchi bella lerchia !

E juta nova de la fratteria,
Cce sciseru de Dii granne ciurmaglia,
E lu pigliaru cuomu a la canaglia
 Ncugliuneria;

Ma vrazziannu, male de lopiellu,
Ncosta ca se vulia divolicare
Si nne abbuttau de li munciuliare
 Lu petticiellu!

Ceu quantu arrittazzune, e quantu foja,
E ccu quantu travagli, e quantu pena
Paride se ragau Madama Lena
 Viersu de Troja.

Vinne ntimata la guerra, e la rissa
Ppe sulu Minelau lu cuornivagliu,
E tutta Grecia se mise sbaragliu
 Ppe chilla fissa.

E chiuca ppe la squercia intra lu Nfiernu
Se zummullaru Piritò, e Teseu!
E cchiù vote cce jiu poveru Urfeu
 Sebbene ndiernu!

Quale anticu Deanferu, o Deuzzu
Nun si nne attripicchiau de cunnarizzu?
E chine nun cci l' ha nfusu lu pizzu
 Dintra stu puzzu?

Sunu palluni, favule, e bugie
Li Senuocerati casti e cuntinenti;
Chiste cose lle dicu li 'mpatienti,
 Su 'ppocresie.

Ad ognunu ne sà cuomu nucilla,
Cce 'nsapuramu cuomu a lu zibiettu,
Nn' è granne medicina, e gran diliettu
 L' erva cunnilla.

